



05370

蘊懷閣詩集卷第九

丁丑

途中次徐秋士孝廉韻

谷口人語雜馬頭詩思新掃塵微作雨吹綠自生春  
浮嵐合雲山望氣醇宿林鳥呼伴天際憫勞人

夜過鄒縣車中聯句

暝色入邨煙衆山斂虛碧徐元潤峻坂馳羸驂犖角踴危石

大僕夫行不前一步復一蹙元潤野霧眯塵晦馬行沒無跡

大祇餘衰艸痕路閃一條白元潤飢鳴如人嗥怪石聳鬼立

大墓門翳宿莽漆鏗半明滅元潤怒鱗何代松敗甌誰家宅

蘊懷閣詩集卷第九

一

大平生好奇偉談怪口咄咄元潤川塗飽風霜聞見戒局迫

大膽雄三斗酒筆屈一寸鐵元潤壯士喜夜行仗劍噴徹循

大投筆志未成忽爲遠行客元潤素衣溼而淄塵面稿不澤

大天涯此兩人落拓共晨夕元潤同歷險如夷遑問通與塞

大乾坤有真氣俛仰愜所適元潤請抵北斗光耿耿自清切

十六

宛州道中絕句

連岡疊巘亘西東摩詰春山粉本同馬上剛逢小寒食  
鞭

絲人影夕陽中

新綠林皋雨後天馬蹄踏碎亂厓泉舊遊此地停車客共

說青山勝昔年





晤畢子筠孝廉於兗州因偕徐秋士同至曲阜途中有作

岱宗青不斷平楚鬱蒼茫春水藻芹綠出郊驪駱黃淳風民近古禮教澤流長仰止寸心愜瞻容謁廟堂

闕里同畢孝廉華珍徐孝廉元潤謁至聖廟

呈孔冶山襲公

邃閣輝珠斗雕甍拱絳霄大宗繇世爵振古仰斯文數典留彝箴於論奏鼓鼗四方習禮士洙泗聚斷蘄

至聖手植檜

手澤遺梁木靈光蔭古今風雲長拱護泰嶽蔚沉陰大塊蟠根厚資生化雨深造遙曳杖日松栢歲寒心

蘊櫟閣詩集卷第九

二

顏子陋巷井

改邑不改井寒泉激四空高蹤百世後樂意一瓢中負郭田廬舊逢源左右通蕭然環堵室道味飫冲融

謁孔林恭紀

大東靈秀蒼崇巒鳧繹岩崑翠鬱盤萬古松楸飽風雨兩楹俎豆肅衣冠列侯第宅承先代望秩威儀配泰壇魯甸春光餘落照防風紫氣拱彌漫

夜行至東阿舊縣山溪最深處

停車不得路乞火失邨家壯士行何畏吾生本有涯石欵蹲怒虎徑曲赴修蛇雲漏一鉤月前岡煙樹遮

趙北口

山川代朔居形勝地接幽燕氣自雄  
聞道酒人多俠客至今易水有悲風  
碧天春艸連河畔明月鄉關入夢中  
一曲么絃調玉柱深宵留客醉顏紅

交河

津亭送客渡交河卷地黃沙湧白波  
暝色孤鴻關路迴風聲萬馬戍樓過  
荒畦艸没行蹤少古堞燐飛戰骨多  
蒼莽山川感今昔倚天長劍發高歌

雄縣

披裘侵曉跨征鞍殘月疎星馬上看  
沙坂百盤驚隼擊關雲一線落鵬寒  
氣吞全趙輿圖濶險阨交河地勢寬  
百尺城樓窮遠目望中直北是長安

蘊懷閣詩集卷第九

三

端午前一日同人集陶然亭聯句

寂居苦沉冥畧試脚力弱塵紅靛不飛  
巖翠秀若削大土麥

秋景未邁槐夏氣先灼芳樽湛蒲葵風襟灑蘭若畢華亭

尖霞練拖石隙雲斤鑿颯然天際翔靈瑟宵宵作陸元文座

中盛孝章解衣吐磅礴仲文氣亮拔銅陽性寂寞劉樞元周郎

借二陸先後入京洛九峯來彥和鳴和在陰鶴徐元潤健者

今徐陵招羣會南郭敦盤踵曩賢壁間有王述庵先生詩履舄踐新

約陸昨宵宿雨收紅林散餘萼啄泥鳥亂啼聚網鱗出躍

錢寶琛江鄉有故人鴻爪各飄泊京華避十年卽今慰離索

周曰鍛翮驚頰風何地無矰繳運或暫剝蹇儒豈甘隕穫

大白日混燕石曠野識趙鐸習俗道義孤千秋懷抱各華珍



修名戒不立浮譽矧可攪跳丸疾晷輪一逝駭錯愕元今

日且銜盃破此萬緒惡誰為長鯨吸試以大斗酌樞舊雨

來不來新知樂莫樂西山一片雲為我掃炎焮元潤陡若抱

虛警秋心已先托歲候昏旦變物理靜中度樞茲亭名陶

然到此脫羈縛縱譚碎擊壺抽思興採鑰寶忽聽樵者歌

蘆岬斜陽落回頭指白鷗續遊勿負諾日

陶然亭分韻得陶字

野曠浮雲合亭荒落日高興來成獨往勝事屬吾曹旅食

會彌月行吟此避巖風聲呵白壁山色落青袍節物鄉關

異賓朋意氣豪酒壇雄拔戟詩侶捷揮毫擬學誅茆宋終

慚運甕陶附書愁契濶理髣感蕭騷小旱遲飛澍深耕憫

蘊懷閣詩集卷第九

作勞林無鳩婦喚澤有雁羣嗷北地咨炎熯南中激汎濤

每嗟居不易稍喜暑堪逃榆葉翻沙渚楊花攪隰皋溪深

鼓蕩荻徑曲亂蓬蒿懷抱登臨拓襟情澹泊遭浩歌歸路

晚重與泛松膠

題江亭消夏圖次陸子鐵孝廉

元文韻陶然亭係江氏所築

額曰江亭

出郭清遊興不孤柳條踈地倩雲扶綠陰五月潤將滴嵐

影一簾澹欲無何處江皋采蘅杜不妨名氏混菰蒲秋林

擬踐停車約重繪癡翁淺絳圖

午日集周小石上舍日堅齋中卽事

野鶴閒雲物外身往來蹤跡各相親天中尊酒成良會日

下詩篇贈故人煙水一塵容小住風花五月似殘春十年  
慣作京華客老我驚看雪鬢新

旅夜柬畢子筠

繁桃豔春塢老梧凋秋林艸木有榮悴四時成古今荒岑  
多積潦靜巖無噪禽有美我所思時惠空谷音不吹齊門  
竽徒工郢中吟塵海浩無垠何問升與沉郭隗不築臺馬  
骨埋黃金金寒鬱愁氣暑月頽重陰今夕復何夕與君酒  
同斟簾疎風襲裾篔簹薄雲生衾銀河耿天際澹無織埃侵  
留此一片月照君千秋心

董琴南編修

國華

次和旅夜韻見贈疊韻賦答

結交何所尚企茲大雅林前綏疇惠我觀止懼自今孤雲

聳一鶴餘響咽衆禽廣座靜不喧叩彈瑤瑟音聞君十年  
來癩癯作瘦吟理超旨乃暢心苦思彌沉蛟骨老寒玉龍  
窟躍古金沁脾斲冰骨滌暑延秋陰讀句惻旅懷深酌復  
淺斟短檠照殘夢客心厭寒衾虛牖自生月萬慮何由侵  
更誰併予美阻君獨往心

夢登仙人樓嘉樹無雜林不知幾千載青青直到今下有  
九華芝上有五采禽襟披穆如風泉嗽冷然音引境入宵  
忽掉頭動高吟人生中歲後去晷愁夕沉聞道苦不早享  
帚慚千金安得露華濯蒲柳迴衰陰頽質倏可變大哉元  
化斟潛璞或韜采隻影無愧衾感君辱贈翰戒我塵懷侵  
拍肩問洪厓落落蒼松心



苦熱篇東琴南編修子筠孝廉

萬木沸蜩螿寒蟲咽不語炎官鼓疾威厥勢不可禦一屢  
賃市間湫隘暫息處雜甍四方客日夕混爾汝止樊朝驅  
蠅穿屋夜憎鼠執熱戒炙手滴水不潤礎焦煙出枯林泥  
潦沒淺渚安得鮮可食誰云美可茹倘非素心人何以慰  
熨旅茫茫身世憂俯仰觸萬緒南土來北方使人識寒暑  
堂懸北風圖仙袂翩若舉瘦卧高捫星冲飛輕化羽招涼  
明月珠晶光一囊貯桐陰正延碧團露葉溼溼平生冰雪  
腸持此自矜許

宋謝文節公號鐘琴歌

有引

琴長三尺四寸五分額廣四寸腰狹三寸四分題曰號鐘

蘊隱閣詩集卷第九

六

銘曰東山之桐西山之梓合而爲一垂千萬古署尾有疊  
山二字新安吳氏得之於京師甫肆繪圖徵詩琴南編修  
邀余同子筠作歌

冬青無花月無色天水雲寒四山黑建陽卜肆古號鐘斷  
紋迸落霜苔封東山之桐西山梓地老天荒心不死十二  
金徽淚血枯一徽一淚紅糲糊唐石峯頭轉茶坂響咽寬  
泉泣秋晚南冠獨自操南音海角虞淵斗氣沉竹裂蘭摧  
烏啄肉有死義不餐周粟故人魂返零丁洋空山老猿愁  
斷腸絕調人琴後誰繼瞻髮山人竹如意虛廊碧火照深  
更四壁悲風絃上生

同作

同里 畢華珍

往聞齊侯琴是名爲號鐘落斧引纏不異製古材慘  
澹三尺桐抱琴亦何爲麻衣艸屢慟哭中大都人士  
久莫識南宋孤臣謝枋得嗚呼邦國已殄瘁人之云  
亡何足惜江革却粟未戀身申胥絕食不返國有木  
不覩冬青林有琴不彈海上音君臣骨月厓山沉但  
聞官角變亂風雨聲悲唵魂兮往從定何所死得葬  
夷齊山前一坏土人耶琴耶此終古君不見唐石坂  
建陽市徒跣當年幾轉徙焉知王氏有臘祀亦不書  
承初以來新甲子嚴叟旣棄世世亦棄嚴叟賣卜終  
愁在人口借才異代誠何心君義臣忠兩無取况聞  
歐刀柴市風雷昏巫咸不下招銜冤高張鳳尾中斷

蘊懷閣詩集卷第九

七

絕文信國琴闕  
中何氏所藏

金石徹調徒聲吞吾將譜作雙桐引

付與哀彈注水雲

蘇齋集飲呈翁學士覃溪先生

大雅久淪落蘇齋獨歸然賓朋選才俊詩酒屬神仙此會  
不可得風流七百年愛山傳六客勝事踵前賢

是日主賓  
六人分體

詩賦

讀史雜感

周京集多士馴雉翔皇風漢廷臣相如貢道叩筮通古來  
樽俎地王會旌勳庸文章行遠器兵革潛消融酈生三寸  
舌萬矛摧敵鋒華辨雖譎詭尙勝汗馬功豈無蘭臺令掌  
故媚禮容宰相多讀書德望中朝隆外廷仰風采駿業垂



麗鴻布被劇可惜勳階列三公

南軍利行水使船如使馬北軍利行陸屯戍集平野峭鹵  
古神臬建瓴高屋下武皇席鴻圖開邊震函夏教戰昆明  
池旌旗五花墮精兵重訓練奚論多與寡水陸審地勢強  
弱測亦叵在德不在險邈焉緬古者三王以文治五霸以  
力假

漢祖過豐沛光武巡南陽雖賜父老租每忍農時妨陽春  
霈闔澤宴醑權八方青旗蔭郊甸千里騰龍驤詞臣富文  
藻獻賦誇長楊誰陳諫獵書好樂遊無荒耿耿忠愛心帝  
闔翹首望出門眎雲漢永夜星垂芒塞鴻路寥廓瑤水雲  
蒼茫

蘊懷閣詩集卷第九

八

受錢不愛身貪吏戕其生愛名不愛身廉吏全其名昏夜  
稟四知介石貞鏗鏗至清水無魚讒構傷蠅營伏波適瘴  
海藁葬歸西城蕙苴爲文犀難與貝錦爭劉寵選一錢何  
損清廉聲身家瑣瑣計更比鴻毛輕千秋身後事青史長  
崢嶸

尋奇園遺址

古樹不藏屋白雲四面生閒官多著述老眼見承平野史  
今殘佚青山失主盟高樓一聲笛落月望參橫

對月偶成

梯引初桃月上弦浮雲咫尺判人天年來倦曠非闕酒此  
後春情欲化煙漸遠星河勞悵望最高樓閣病嬋娟洪厓

枉訂遊仙約寂歷山陰不放船

送遠

把酒東風一洗愁夕陽送客醉登樓亂山不見飛鳥迹老  
鶴獨鳴高樹秋古戍雲低寒不落碧城路遠夢還留親朋  
莫悵關河隔慷慨平生足壯遊

宋徽宗十二巫峯靈壁石歌

有引

石係吾鄉廣堪齋中所藏竹癡老人手繪圖冊空嵌萬竅  
蒼潤欲滴嘉慶丁丑子筠孝廉北遊都下携冊徵詩余同  
董琴南編修作爲長歌

昔聞吾鄉竹癡翁弄藏富欲侔王公廣堪之齋萃珍秘奇  
石天巧非人工巫山十二靈壁峯汴梁舊物傳徽宗宣和

花石七百載歸留靈氣滄江東天青無雲秋碧空風雨忽  
合山迷濛前峯後峯千萬重千重萬重咫尺中陽開陰闔  
變幻無常容但見雌者霓雄者虹潛者蛟躍者龍煙霾滅  
沒盪昏曉上與造化爭神通瓊花島口吹朔風銅馳走入  
荆棘叢崑山玉碎老魑泣劫火大地灰飛紅江流茫茫石  
不轉試問呵護誰之功癡翁擅神鑿老眼明雙瞳夢登峨  
峩之絕頂玉華四照開瓊瓏醒來滴露潑黛墨紙上疑有  
春霞烘燕山塵沙十丈封虛牖忽墮青芙蓉冷然漱玉鏗  
瓏璇江天涼雨催孤篷客程計日行匆匆子筠時將南歸石交松  
栢貞三冬願君守此子孫寶時與几杖相追從仙人贈君  
九節筇丹厓翠壁攀蒼穹青山讀書落日暮五嶽鬱翠捫



高胸

同作

吳縣董國華

廣堪堂弄古研山印記傳自宜和問我不見山却見  
畫想像楚岫戔煙鬢蠹者爲峯卧者嶺六六連娟黛  
螺靚墨池一掬通湘波夢雨靈風寫秋影瓊瓏皺瘦  
交蘇紋會入太清侍道君汴舟千里運綱石咫尺乃  
有巫峰雲劫火銷沉悲良嶽盡斲奇礪製飛礮卿雲  
萬態化作灰硯北偏留舊蛾綠當時游藝重文房風  
流不數澄心堂一拳巧縮九疑秀壓倒海嶽庵中藏  
陵谷匆匆人代易石色蒼涼天水碧憑君莫補博古  
圖恐學蟾蜍清淚滴君不見硯田今歲枯不堪安得  
墨雨生秋潭青山隱几致蕭爽我夢已落瀟江南

北湖觀蓮次徐秋士韻

傍隄高柳噪鳴蟬小閣幽棲愛地偏紅疊水紋三折細翠  
團雲脚半鉤拳前溪影澹初生月遠夢香多不散煙記按  
花深深一曲駕鴛湖畔木蘭船

去歲遊鴛湖  
適荷花盛開

京邸有懷畢季瑜丈

高原煙樹鬱青蒼社燕秋鴻各一方嬾病已成中散癖浩  
歌誰識次公狂金臺馬骨埋荒艸水國鷗羣冷夕陽聞道  
園廛逋稅畢免教簿吏復登堂

摩挲青鏡恨流年短髯驚心節候遷不信松芝堪佐餌却  
看雞犬已成仙鯛陽卧月中宵醉杜曲吟秋萬口傳風雨

論文話疇昔待尋歸權續前緣

文題拙集有句云君住巷南我巷北莫教風雨阻論

杲日炎蒸水涸池

君王宵旰切憂容禁城花月仍良夜舞榭酣歌異昔時三輔征輸傳絡繹二東杼柚費支持平原乞米長安客欲破愁兵仗酒卮

蕭瑟江關雁一聲鄉心愁絕庾蘭成頻年旱潦悲中澤故里音書隔去程斷隴晚煙行跡少荒城曉角旅魂驚吳雲夢繞燕山月願乞郵筒慰客情

子履北歸出示近藁卽次見懷原韻四首

同里

畢憲會

蘊懷閣詩集卷第九

十一

一別相看鬢髮蒼南箕北斗奈殊方久耽獨處貧非病忽見同心喜欲狂淶酒細斟遲皓月黃昏雖好戀斜陽老懷不作春明夢猿鶴休嘲舊艸堂

堂堂白日去華年不覺情隨萬事遷羨爾蕭疎塵外物慚余落拓酒中仙窮來肯恥因人熱癡絕終思附驥傳細數晨星幾人在誰相知我亦前緣

寥天不見躍龍池聞說 朝廷六事咨室女嘯歌原爲飽野人作息卻憂時豈知 聖德勤宵旰早格天心默護持獨有東倉雀鼠壯江河無計可填卮

詩入愁腸哀艷聲遺山標格自天成黃河水落棲鴻澤白露秋高數雁程國土久聞羣目異吳蒙再見倍



心驚年來削札嵇康懶怕達空函殷浩情

淮陰道中得座主何先生赴悲慟不能成詩及留

京師每憶浙西兩載之遊泣然出涕率成六詠情

見乎詞

國士無忘一飯恩我來淮上愧王孫定文恐負陳思托作  
賦難招楚客魂千里春心傷目極兩行清淚暗聲吞燕雲  
策馬成何事不及憑棺哭寢門

繡衣日下耀華蕤驄轡江關絳節馳憂樂蒼生同俯仰東  
南元氣爲扶持著書未了名山業待士還餘廣廈思莫問  
牟曇舊游地呼猿古洞夕陽遲

江淮轉漕驛書回防海軍巡浙水隈五日竟催張尹去幾  
時重借寇公來使君封樹仍遺澤丞相持衡亦愛才記取

蘊懷閣詩集卷第九

十一

冰壺心一片歲寒東閣有官梅

七郡隄防石岍平觀濤末座侍枚生旌旗海市秋瀾澗刁  
斗霜臬夜月清野浦漁梁愁放檠斷雲鈴閣失吹笙鹽官  
道上重回首落葉聲催杜宇聲

傳聞廣柳下黔陽西盡江流出豫章萬里征途行絕險一  
經世澤最諸郎翟門賓客今非昨彭澤田園舊已荒早卜  
庚泥安丙舍墓門松檟蔭鸞鳳

文章難送玉川窮三尺誰收爨下桐未死名心塵夢裏半  
消豪氣酒杯中貂裘北地寒先覺雁帛南雲路未通梁木  
摧頽山色改五更鼓角聽悲風

山館唵雲圖寫贈同年顧南雅侍讀兼題截句  
偃笠松杉屋後坡  
恰逢佳客倚筇過  
一聲落葉夕陽暮  
詩思碧雲深處多

書同年陸祁生孝廉繼幹詩稿後

君詩出至性  
叩彈超凡音  
不襲風雅貌  
自據忠孝心  
銜恩結寸艸  
春暉愛兼金  
夜半慈烏唳  
庭柯翳層陰  
十年塵海客  
駕牡馳駸駸  
不藝稷與黍  
匪戀纓與簪  
修名慰顯揚  
皇穹鑒微忱  
惜抱楚人璞  
終闕天府琛  
春風萬花谷  
不到修竹林  
飛樓立縹緲  
浮雲蔽元霧  
戢茲晨風翼  
願爲反哺禽  
繞籬杞菊花  
秋釀閒芳斟  
試讀感士篇  
憫此遊子吟  
江干駐車馬  
有客煩招尋  
浩然起高歌  
韻答江上琴  
江水不可極  
君心共此深

蘊樸閣詩集卷第九

三

自題松廬仙隱圖卷贈同年陳石士侍御用光

虛簷入雲氣  
隔牖落松影  
是名頽仙廬  
清涼絕人境  
泉聲萬壑喧  
山意太古靜  
干春藥艸香  
一壺日月永  
亮哉羲皇人  
端坐風儀  
整素心  
兩忘言  
元想特高迴  
橋旁倚筇叟  
足音惠然肯  
餌芝得奇方  
疑義乞造請  
亭臬有脫葉  
秋懷逼虛冷  
堅我學道心  
眠茲圖中景

喜汪厚夫侍御至京

別君過半載  
離懷積雲水  
夢想見容光  
會合懼觀止  
相看太瘦生  
去晷疾馳駛  
君髭微染霜  
我近脫一齒  
君年屆半百  
學道協坦履  
宦途歷巉巖  
素位平若砥  
我年比君少  
早



衰乃若此握手嗟歔歔但視明鏡裏萬緒繞衷曲欲語從  
何起憫我索居苦招我入寓耶棐几度我研深杯酌我醴  
詢我南中書家計蠹料理兒子稍知讀君心憫且喜君嗣  
委課經植學務根柢文藝互商榷縱譚涉子史僮僕盡顏  
熟鄉語話桑梓長安米價貴歲儉更倍蓰孤雲得所依青  
山破愁壘涼風高樹林簌簌撼臆紙短歌載賡答幽興殊  
未已

丁丑七月至都門喜與子履相晤贈之以詩

汪彥博

我不贈君江干拔心艸贈君谷底同心蘭心同天地  
皆衾裯心異楚越膽與肝風吹楊柳玉樓呼露濕梧  
桐金井闌美人折花感遲暮當臆瑤瑟愁不彈風飢  
孤吟自矜許秋期遙待青琅玕五湖鷗鳥各分散相  
逢與子多清歡黃金如土買馬骨豈有國士埋儒冠  
盧龍塞下動懷古詩骨雄秀逾嶺岼莫嫌廣文一官  
冷日照先生苜蓿盤君歌將進酒我歌行路難百年  
行樂強自寬長庚明月秋耿耿南山白石夜漫漫

顧南雅侍讀畫蘭歌

湘江帝子彈瑤瑟恍惚神遊象香國畫手東吳擅顧雍妙  
寫蘭心與蘭質仙資亭亭俗豔空有意無意天然工真珠  
簾卷玉鉤墮干花一笑羞羣紅嫩芽細撥銀鉤小麝墨螺  
煙自縈繞映帶爭看取勢妍縱橫會得忘言巧翻思昨夜

醉停樽露臺獨立吟黃昏翩其僊袂御風去花氣爲我留  
詩魂畫蘭人本蘭臺史品格幽蘭足相擬滇池艸色綠靡  
蕪遠駕星輶采芳芷秋江夢君水一方碧城杳靄雲蒼茫  
嫣然花容隔香霧愛而不見心旁皇燕臺高吟夕陽暮閒  
情別有滄洲趣君還翰墨興飛騰我已容華迴非故惠我  
清風拂素牋蘅臯幽思倩君傳好與美人奉作佩墨華如  
醉潑湘煙

北遊篇寄示徵璉

正月渡江淮二月歷齊魯三月抵幽燕倉猝賃市廡髮亂  
飄蓬麻面垢漬泥土鞵線不及紉衣帶不及縷投牒恐稽  
遲疾趨達禮部入場數晝夜天氣漸和煦裕衣畧裝綿薄

寒已可禦研思構文藝羞作雷同語落落頗自喜覽者競  
推許擯斥孫山外失意徒悵懽我命天所賦顯晦造化主  
雖遇明有司何術能玉汝謂選得廣文兩載計可補留滯  
非善策還歸乏資斧旣占艮其腓復筮成其股芳春嘆遲  
暮炎序過重午嬾爲襪襪子憚此河朔暑夜夢屢見汝似  
與汝同處又憐汝在家勉強持門戶汝前來啟詞若吐復  
若茹夢醒尙呼汝攪枕亂衷緒隔別三千里附書道修阻  
六月廿九日汝書我始覩上言耶出門嗽痰病末愈風霜  
慎眠餐悶愁且寬紓中言家庭事無論細與鉅耶言兒勿  
忘不少越繩矩下言兒文章力求矯庸腐自恨識未充味  
薄少含咀發函閱汝書三更剪蠟炬是夜秋聲來吹落西



山雨壁間號苦蟲牀頭窺飢鼠沉吟至再四誰與傾肺腑

隣鷄啼喔喔倦卧不起舞晨興晤賓朋譚舊迭揮塵周郎

及劉子周上舍曰堅劉明經應鈞相依若驢馭徐公城北至徐孝廉元

城畢生亦踵武畢孝廉華珍雖無濁醪斟賴有新篇賭健者有

董公獨自樹旗鼓董編修國華士衡冰雪文清俊邁徐庾陸孝廉繼

轡五六月之交藉此憫逆旅侍御越若來汪侍御孟秋月彥博

初五慰藉殊諄拳高誼邈焉古是月始生魄移寓有定所

侍御延課讀授經析訓詁三子出謁師勵志圖進取應對

習鄉音入耳甚清楚飲膳飲鄉味絕勝市上脯願汝勿念

我我亦無所苦但苦去日多垂白無建樹生當

聖人朝不合老農圃我

皇仁覆物不冒遍六寓尙厯宵旰憂侑食樂不舉谷菴曠  
其乾中田稿禾黍莠慝或逃網私憤切臣甫平生仕進志  
豈爲慕華廡宸海長恬熙衡門樂終窶此願竟蹉跎壯心  
半消沮酒酣歌莫哀抑塞藉傾吐汝年甫弱冠植學力須  
努少弛防瓠落太銳亦莽鹵魯編不可穿枉自挽強努驟  
雨溝澮盈汜濫原不聚鳳皇翔蒼穹好自養毛羽汝能慰  
我懷一笑酌清醑金臺涼信早落月聞清杵作詩附南鴻  
遠寄江之澚望汝有報章吳雲渺延佇

西山秋望

山意削虛碧秋光涵太清天低平野樹青入夕陽城古寺  
鐘聲晚荒臺客思生浮雲關路迴臨眺不勝情

燕臺醉月歌壽厚夫侍御五十初度

長安城頭月滿山晶光飛繞白玉環華筵高鐙燦羅綺清  
樽浮綠開心顏琉璃屏風水晶箔鳳管龍笙相間作酒樓  
若造天津橋玉螭噴水潺湲落仙吏驂鸞朝上清鷓鴣杯  
泛蒲萄春珊瑚紅鉤銀絡索詩夢夜落蒼梧雲洞庭歸帆  
夕陽樹又見春風花滿路繡衣驄馬綠楊隄神仙別有滄  
洲趣燕臺八月秋風香彩雲五色天孫裳紅筆檀板調鸚  
鵡玉女青童引鳳凰碧椹瑤英產東海問君靈藥何年採  
丹房玉液鍊三華結作銅槃珠百琲神姿海鶴九霄翔上  
嘯天風入混茫卿雲霽照需甘澤能使萬類熙青陽方丈  
蓬壺望縹緲知君氣與青天杳秦松漢栢古時春綽約嬌  
姿艷芳艸何當冲舉脫塵鞅紺髮蒼髯長不老有約從君  
五嶽遊未識婚嫁何時了

中秋無月以詩催之詩未成而月已皦然出矣殊

爲快然

風號羣木搖涼空大士怪底有風却無月一年秋氣正平分

汪彦博寂寞燕臺兩吟客冰輪四抱雲朦朧大士舉杯大唱婦

娥宮無乃老慕太欺我博彦潛彩不照琉璃鍾青山若逢李

太白大士不從白玉盤中浴定向瑤臺鏡底磨青銅月兮月

兮汝雖不解飲博彦汝豈不能助我秀句羽觴底洗我堆阜

之心胸醉擲霜毫喚月起大士欲吐未吐婉而美初如金粟

如來現半身博彦漸如洛濱神女涵秋水却爲來遲影轉嬌



大須知愛劇心難死詩人呼吸信有權博彦碧天飛出晶丸

圓雲鬢玉洞豁然闢大紛紛白鳳霓裳仙千年桂實何有

靈博彦太清不滓光華全明星如珠手可摘大收拾君囊當

酒錢五十年前當此夜博彦余以八月十六日子時受生三更斗氣凌奎

躔大

### 落葉

蕭瑟亭皋際秋心入遠天征人勞轉戍名士老叅禪紅澹  
遠村日青浮墟里煙嬾呼僮掃徑寒月照愁眠

### 客夜雜吟

蝨簡摩挲夜達晨苦蟲細語聽酸辛心香一瓣千秋業飯

頰山頭戴笠人

蘊懷閣詩集卷第九

六

蕭瑟江關庾信哀悶愁難藉濁醪開秋鐙孤館風聲裏餓  
鼠空牆去復來

鷓鴣天高夜氣清燕山獵火戍樓明朔風吹入三更柝不

是江南落葉聲

古寺龍從入望逃黃榆歷亂白楊低寥天何處飛孤鶴更  
在西山落照西

荒臺弔古淚霑襟對酒歌成激楚音駿骨自深知已感銜  
恩不獨在黃金

喧闐輪轂九衢通刮目塵飛十丈紅北地秋高天不雨重  
陽惟有滿城風

一聲吹笛出鄰牆夜燼缸花客斷腸怪底月光斜更嫩不

知鴛瓦已飛霜

宣武城南賦索居罷彈長鈇嘆無車閉門莫笑嵇生懶要藉閒身好著書

同徐桓生上舍

述虔

劉蓆林明經

應鈞

徐秋士陸

子餗兩孝廉集飲西城酒舍時桓生將之任邱

南雁天涯逐隊飛旅情秋思兩依依浮沉未醒一生夢去住無端萬事非野坂青迴樵客路夕陽紅入酒人衣明朝又聽驪駒曲望斷孤雲隔翠微

懷沈狎漚孝廉

欽裴

奇氣酒邊來天空眼界開九章經世學兩漢濟時才京國招賢俊斯人卧草萊珊瑚釣竿樹落月照蘇臺

蘊憐閣詩集卷弟九

十九

宣南話舊圖歌爲陸祁生同年作

有序

丁丑三月余與祁生同客京師宣武城南居停相距數十步晨夕以詩文相質在座者董編修

國華

沈孝廉

欽裴畢

孝廉

華珍

往來過從情話懽洽旣而董君奉諱南行畢往

保定沈歸吳門落葉寒花酒闌人散而祁生亦別我去矣

瀕行屬作宣南話舊圖卷長三尺有奇濶一尺五寸圖

仿吾州染香庵主設色法圖中西山遠翠松栢蕭爽女牆

層堞在隱現間城邊老屋數楹葛巾栗杖落落四五人不

辨誰某皆曠放瀟灑若有出世之想祁生命裝池用古錦

綴面素紙接尾載歸行囊廣徵題詠以誌鴻爪余自諸君

別後詩情畫意不知其何以闌珊而至於衰廢也碧雲在



望舊雨不來燈下懷人尊前溯別後之覽者可以感焉  
衲生與我宣南遇乞我爲作宣南圖秋聲難以畫圖肖萬  
樹一片雲模糊我將畫君故園溪山好亭榭梨桃榆柳涵  
平蕪對此可以供清娛不然置君樓臺金碧千門裏玉勒  
金鞍少年子玳瑁雕琴七綵裝美女名都粲玉齒更思縱  
筆寫陰山勅勒高歌破敵還仰接飛猿搏蒼兕戰馬飲血  
猩紅斑萬象雲煙變虛幻過眼丹青失轉盼故人無恙舊  
時顏來往宣南十年慣宣南春花紅繡茵停車走踏京華  
塵宣南夏木叢煙嶺逃暑同爲河朔飲擊筑舞劍狂且豪  
欲以奇氣吞荆高倒鉤金蟾出杯底夜半銀河淨如洗浮  
雲胡然翳太空天外忽墮枯桑風青山蕭寥酒人散君亦

蘊懷閣詩集卷第九

二

竟作南飛鴻雪泥蹤跡類如此留取丹青續畫史不烘水  
墨繪江村不寫春城艷桃李棄繻灰盡壯時心老去英雄  
肉生髀邱壑惟傳真性情松栢貞筠贈知己長短亭邊落  
照微宣南我亦海羈遲知君一權煙波濶定有游仙招隱  
詩

和厚夫侍御九日長椿寺僧送菊

風物九秋新秋花不笑貧冷香曾供佛傲骨亦親人古寺  
尋詩客蕭齋落葉辰餐英娛此夕同葆歲寒身

厚夫侍御復以詠菊三首見示卽次其韻答柬

送花僧不俗伴月得幽姿艷絕霜前色青生雨後枝寒英  
全晚節春卉悵芳時詩老多佳興千秋香艸思

處士柴桑里西風杖策尋清談開笑口冷趣入秋心簾卷人同瘦宵闌酒更斟悠然好山色不辨白雲深

節候傷遲暮茲花晚更榮秋懷披灑落野性抱幽貞刻燭青搖穗聯詩絲剪橙馨香滿襟袖足慰旅人情

書遺山詩集後

君不見甫也諸侯老賓客驚人詩句乾坤闢同時海內主騷壇惟有江東狂李白浣花舊宅蘼寒蕪四百餘載青山孤中州野史亭歸時高壘上欲摩成都慘澹龍蛇日爭鬪禾黍西風哭東狩少陵老淚哀王孫共此呼天切補救大定明昌第宅荒開元天寶江山舊傷心千古兩詩人苦吟各爲滄桑瘦閒閒公似嚴使君溪南老如鄭廣文文章知已互傾倒交遊意氣干青雲草堂後有遺山集性情不借才華龔坡翁放翁兩大家鼎足三分竦而立涼雨蕭蕭落葉哀秋燈如豆一編開蒼雄骨格幽并氣變作風聲萬馬來

九月廿五日曉起對雪

策策風搖籜蕭蕭齋睡起餘冷光苔畔滑花氣菊邊疎細溜侵簷濕流雲落幌虛殘秋寒意早已似仲冬初

連日對雪有作

孟冬纔二旬瑞雪已三白昨宵灑紛糝墀廡厚半尺騰懼窮巷耻占稔來歲麥今夏早魃驕秋苗槁不碩 九重

厘民瘼輸租免常額賑賚開神倉編戶霑閩澤陽氣大地



廻

帝心上蒼格祥和捷感召調劑藉羣策所賴封疆吏膏雨  
勞郁伯一民或失所試問誰之責重雲蔽陰厓朔氣滿荒  
積載廣黃竹謠愁殺梁園客

雪後卽事次厚夫侍御韻

萬花銀海盪空明畫本營邱妙寫生月榭試翻瓊樹曲風  
簾微動玉鉤聲鴻淹泥爪行蹤沒鷗射寒眸醉膽驚羨殺  
深山高卧者閒身留伴白雲叻

黃香鐵明經 釗 過訪寓齋論詩卽題其讀白華堂

詩集

海內詩壇久寥落大雅何人擅著作江山風月自千春對

酒吟懷嘆誰托嶺南復見陳屈梁黃君才望高詞場滄江  
倦客混人海論詩邂逅宣南坊我居巷南君巷北蹤跡天  
涯笑偏仄憐我苦吟少吟侶開徑懽然見顏色我識君顏  
乍摻袂我讀君詩頓忘食讀君金臺弔古篇爲我胸中吐  
抑塞讀君俠客健兒行我欲從君走絕域男兒三十不得  
意筆硯何能苦相逼但須痛飲作狂生不碍科名久沉抑  
長安裘馬集貴游挾策可以干王侯兔園書生飽殘裘風  
雲指顧登瀛洲咄咄怪事戒吟咏高天厚地呼詩囚名山  
自享古人壽君毋惑此浮議浮君不見杜陵老大意轉拙  
白首浩歌彌激烈又不見建安綺麗不足珍太白平生志  
刪述我慚繫日少長繩君幸搏風有僊翮雲龍萬里各相

逐嶺表江南兩詞客

李瀛門比部鍾瀚子喬學正鍾潢棣萼圖歌

雲間二陸今二李翰藻翩翩作佳士東風紅笑燕山春壓  
倒千花燦連理文牕繡幕嬌羅綺綸染雲山畫圖裏對語  
交花樂意濃莫笑閒官冷于水秋原禿樹經霜飽君家棣  
萼花常好江東獨秀那許誇文章兄弟聯聲華泖湖八月  
煙波潤歸櫂歌聲白雲遏月夜新吟憶弟詩叢菊茱萸渺  
天末聞道春帆江口迎玉鞭重指長安城瀛臺雙棲鳳凰  
翼笙簫鼓吹皆春聲東鄰有奇樹屈曲虬龍形西鄰有異  
枿密葉交青莖願作君家之棣華不作田家之紫荆棣華  
兩枝如一枝紫荆時悴而時榮尺布之謠不忍聽豆萁本  
是同根生

蘊懷閣詩集卷第九

三

黃香鐵釧以林辛山孝廉家桂所著見星廬詩集

見示卽題一律柬辛山

昨逢山谷來相訪示我連仙數卷詩南海才應空北地秋  
江花不鬪春姿幽并風雪三更夢粵嶺雲煙萬里思歲暮  
天涯文字伴酒邊一爲展愁眉

汪侍御齋中分賦羊裘

深宵挾纈未成溫黯澹青袍尙存秦相功名新入夢嚴  
陵煙水舊留痕寒禁北地三冬雪煖曝東方一綫曦博士  
漫憐消瘦甚且堪貰酒醉黃昏

次韻答黃香鐵冬夜獨坐見懷之作



天清開月鏡地白起霜稜以子驚人句照余寒夜燈倚床  
瓊擁鐵呵硯墨融冰文字因緣結居然有髮僧

原作

鎮平黃釗

街靜月無語檐虛風有稜思君如古佛枯坐對寒燈  
老眼飽叢帙冬心涵瘦冰蕭條賓館意我亦澹於僧

寒夜盼家書不至李十一樞部酒剪燈溫酒爲余

遣悶余以足疾未赴明日以詩見貽疊韻柬謝

李侯衡宇近癩病晤言遲霽雪澄寒色清風誦好詩道心  
開衆妙春氣得先時酬句慙枯管宵闌耐苦思

旅食京華人家書驛路遲浮沉半生夢甘苦廿年詩渚月  
圓輝夜山花破臘時感君燈下酒慰我客中思

憑櫺閣詩集卷第九

二五

顏孝廉以澳次香鐵韻見懷疊韻奉答

君詩清濯魄珠斗峭捫稜相近招提境長明繡佛燈君與余同

寓長椿寺側鄰喧牆外柝僮削樹根冰破寂陪茶語何殊竹院

僧

臘月二十四日周小石日堅招同徐秋士元潤陸

範庵楨集宣南寓齋食鹿脯分得五古限一屋韻

榆關日落風吼木亂卷黃沙打白屋醺鷄窮士嚙糠覈裘  
馬高門厭梁肉問客無能客無好彈鋏風塵走僕僕長安

旅食大不易晏序流光去如鑷周郎飲我宣南坊不速三

人徐與陸蕉邊雪月天清寒詩夢三更漏聲續薄者炙鼎

滲晶鹽美雁行厨斫肥鹿綺葱丹椒和五味蜜勺瑤漿散

子馥盧龍舊傳熟洛河紅瀉膿肌灑淋漓魏使若逢劉孝  
儀鄴中食譜重披讀叻羣萃野斂賓笙燒尾筵開爲君祝  
啗我老饕恣飽啗大嚼屠門饜不足君言此味補筋骨枯  
瘦憐余髡毛禿酸茹寒齏撐兩胷渴吸枵飽啜半菽腐儒  
羸糲百年憂去肚來衰兩眉蹙歲云暮矣遣牢愁狂笑登  
筵果其腹咬春獻歲開辛盤祠竈千家禱神福紅爐蒸氣  
沃膏膠翠釜浮花盞陽燠鄉味雖思鱸鱠佳絕勝家鷄與  
野鶩請執牛耳登詩壇旗鼓中原走相逐

以野鴨生魚饋小石作歌代東兼示秋士範庵

槎枒古樹茁冰蘂大地回春氣轉幹椒花蓬餌入良辰彩  
勝桃符耀華闈燈搖九子蘭膏薰盤造五辛桂醬辣專鱸

蘊懷閣詩集卷第九

五

鄉夢悵關梁倦鳥南枝戀吳越包羔膈髓臞露鷄糝黍烹  
鮮慰天末鵬鷄或共鴝羹調膾鯉孰誇蟬翼割匹雞瘦若  
野田雀魚曰作之凍凝沫餉君特爲索君詩險韻諸君醉  
中喝浮生我類沙際鳥鍛翻何時塵罟脫魚留三星絕可  
憐滅滅春流莫療渴籥籬之鷄尺澤鯢長此沉淪抱惋悵  
節物關心又歲除片翼殘鱗共搜掇三冬旨蓄君自裕聊  
佐壺殮渺圭撮長伴清齋孤糲供莫教真味酸鹹奪杯醪  
力薄難盡醉刻燭詩遲易見跋自慚續脛不成臯或笑祭  
魚頗類獅

題厚夫侍御養泉齋詩集

玉樓仙人李長吉詩壇再世英光出昔驂虬轡迓緋衣今



上烏臺簪白筆侍御會夢爲昌谷後身因作玉樓歌江東甲第席華門早歲

文章受

主恩紫塞秋原盤隼鶴碧天春海麗鯨鯢五花

鳳詔宣綸綉百粵星軺建旄節玉署縹囊錦繡披炎州香  
艸芝蘭擷筆驅風雨鬼神驚四十年來寫性情自許名山  
留著作不求時譽達公卿海內寥寥幾詞客惟君足奪前  
賢席懷古江山眼獨青側身天地頭先白鄉關桑梓話情  
親水渚菰蒲訂夙因燕市狂歌千日酒艸堂舊雨十年人  
君詩小謝同清發靈氣天閭御飄忽上窺漢魏接離騷沿  
討源流樹風骨諫垣清切動高吟密勿平生補衮心一寸  
丹忱無偽託千秋正始有遺音真靈位業儲才厚忠孝立  
言垂不朽勒成雅頌協球鏞龍也納言皋拜手會昌一品  
續新編我幸青雲附翼傳寄語滄江好風月相逢車笠溯  
前緣

除夕立春

去歲殘冬茗上水今年除夕剗門山忽驚白日閒身擲又  
報青陽令序頒半盞洗愁蘇病骨一燈和夢老癯顏賓朋  
縱極他鄉樂親舊終憐會面慳

除夕聯句

天涯又除夕泥飲醉厭厭句捷爭叉手陸元談雄奮戟髯

宜春金綴壁大合凍玉垂檐社鼓歲其有潤徐元街鈴夜不

嚴獸罽心篆裊文麝墨爪痕黏爨撥焦琴尾大霜飛退筆

尖同斟祭詩盞元潤細檢讀書籤旅食虛垂橐元文家郵密護

鈐駿臺名土價大靈瓊蹇修占索米愁方朔元潤炊藿愧仲

淹僧寮姜被樂元文時余塵海杜冠嫌故里荒千緡大士

清卿話一練艱難竟如願元潤刻劃累無鹽黍律寒回谷元文

梅風煖入帘觴椒朋共集大土杵菜食無兼縛艸窮應送元潤

傳柑俗可矜新年報鶯燕元文憑景逝烏蟾蕊影搖釵朶大士

冰斯炙研匳瑤華頻贈答元潤萍梗易安恬禪榻生歡喜天

花一笑拈元文

蘊懷閣詩集卷第九

三七



蘊懷閣詩集卷第九



鎮洋 盛大士 子履

戊寅

新歲吟

歲行不可追坡老之所惜今日是元日昨宵尙除夕千春  
一瞬逝百歲寸晷積吾生無所好惟有文字癖詩存不滿  
千生年將半百拉雜悔少作浮剽鮮實獲近頗耐苦索一  
稿四五易不使閒歲月黃金虛化擲春風飄然來吹我詩  
髯白新詩甫吟成新年已如客

春望

玉河水淺漾晴霞邸第樓臺麗歲華吹路暗塵飛作霧抱

蘊懷閣詩集卷第十

林殘雪散成花 賜錢父老懽承澤種麥郊原喜放芽調

變元功資宰輔免教場雨動咨嗟

人日集長椿寺觀銅塔聯句

攝提貞孟陬歲序換僧臘大精蓋郊巒憩韶曙朋簪盍周

堅 温磨鬲丈室靈光燭華闔徐元 五衍制鉢龍千佛護鈴

大 鷓 土 範 銅 鬱 嵯 峨 塗 金 繞 匝 匝 日 鏞 錦 七 寶 裝 鏤 盪 一 尖

合 潤 替 戾 劬 禿 當 剽 棧 戛 鏗 鞞 土 輝 榮 瓔 珞 垂 吼 聽 蒲 牢

答 堅 慈 雲 遠 周 遮 祥 煙 近 振 潛 潤 元 嵐 靑 空 獨 撐 膚 翠 朽 若

拉 大 壽 宮 天 人 姿 水 齋 布 衣 衲 日 達 摩 甘 露 門 玉 女 飛 花

閣 潤 運 搖 白 鶴 羽 珠 綴 雙 鳧 跋 土 舍 利 放 光 明 須 彌 涌 稠

沓 堅 會 聞 宮 輦 幸 雲 罕 晻 瓊 斂 潤 元 三 輔 苦 磧 稅 九 府 侈 獻

納大元黃門暱豎刁綠衣嬖嫫始曰高皇關洪基歷稷二百

卉潤元樸斲毀蕝丹堂構壞茸闌大元鋒鏑滿邊陲竿挺八騰

踏曰毀佛昔鑄錢周宗道不雜元何不鏗琳華藉茲盜釁

軛大元縻帑擲鉅萬浮屠架娑馭曰靈刹閱滄桑福地轉蕭

颯元冷芒七星高曇華五雲飲大元清遊賞良辰俊侶話禪

榻曰思如繭眠蠶身肖羸寄蛤元菜把呼添盤米汁戒攜

榼大元三乘叩跣趺半偈禮挂搭曰合十各讚嘆花雨墜香

塔元

夜同顏編修伯燾黃明經釗醉飲李十一樞部潤

齋中

新年多酒病倦眼羨春歸不有素心友那能豪興飛閒官

蘊憐閣詩集卷第十

二

花月夜野客薜蘿衣漏盡曉鐘動禽聲出翠微

漫成東厚夫侍御秋士孝廉

長安賓客滿友誼故鄉真意氣傾肝膽詩書慰賤貧燭銷

青髻影劍拂素衣塵窮達關時命休尋賣卜人

巷口寓公宅城南處士家月寒前歲雪風亂後番花禮數

虛文畧詩篇險境誇客中况味澹此樂最無涯

塵榻臨蕭寺霜鐘徹夜縱附書沉水驛飛夢落滄江廢簡

驅蝨蝨殘膏續半釭愁城高築壘不受酒兵降時余盼家書甚切

燕九節厚夫侍御招同周庶常貽徽游白雲觀瞻

邱真人像

岩崑琳宇枕郊垌雲氣迴翔窈窕屏三面城樓涵遠碧一



痕嶺樹削空青石床卧月馴猿鶴玉甃燒丹護甲丁欲向  
長春問圭旨塵容多恐免仙靈

西便門野眺

匹馬西郊逐隊行玉鞭遲日麗新晴白雲倒向樹梢出碧  
艸暗從城脚生槐市纔過試燈節豐臺已聽賣花聲來鴻  
去燕知多少欲賦春愁竟不成

同龍子嘉修撰

汝言集藤花館卽事

幽居遠市塵佳客去來頻簷霧不成雨園花何處春禮文  
迎送畧詩卷性情真倚杖門前立郵農話苦辛

時方盼雨

喜徵輿書至

雨雪鄉關一年別車輪亂轉九廻腸可憐老至長爲客忽

蘊懷閣詩集卷第十

三

報書來喜欲狂幾日酒懷生感觸今宵夢境得康莊蘇臺  
煙水涵春色流照燕臺落月光

時與兄館於吳門

書齋卽事

嬾逐金貂珠履遊書齋景物愛清幽未除文字三生癖聊  
把壺觴萬事休晴雪滴花疑聽雨春禽啼樹若驚秋孤燈  
夜半江南夢簑笠煙波一釣舟

春日書懷

冠蓋通衢騁列騶短筇扶病獨登樓一春醉眼驚華髮千  
里傷心悔浪遊細草有香迷遠道野煙無夢落孤舟寂寥  
世事兼身事振觸新愁與舊愁

四十餘年過隙駒半生心事付江湖白頭秃筆窮難送青

史名山道不孤人羨封侯誇定遠我慚著論號潛夫齏鹽  
隨分消清福麤糲終身饜腐儒

東方索米計終非况復長安值歲饑中渚但看鴻雁集高  
原何處稻粱肥村堤艸淺雲微護野館苔荒雪亂飛發粟  
五城敷

帝澤負暄更見授寒衣

去歲畿輔旱災自冬十月至今春  
二月上命五城各設飯廠賑

饑并給綿  
衣四千件

斥堠風清免戍徭豫齊氛祲已全消却欣撫郵資賢牧尙  
恐因循負

聖朝同谷詩篇餘涕淚春陵風景自蕭寥迴腸百轉愁千  
疊酒半殘燈且自挑

蘊懷園詩集卷第十

四

連晨春睡怯餘酣紙閣風尖冷未堪花發胭脂吟代朔雁  
迴書札語天南田園生計全非昨萍梗浮蹤百不諳聞道  
江鄉多雨雪淮揚饋運困丁男

艸長鶯飛二月春輕陰漠漠正愁人花前風雨離懷觸天  
末雲山望眼頻老矣一盤餘苜蓿依然十載倦蹄輪何時  
便約江鷗伴水狎沙眠慰苦辛

李虎觀司馬輓詩

萬里滇池失故人十年宦海嘆沉淪不知涕淚從何落尙

冀傳聞或未真山壑停車吟杜牧竹湖投轄憶陳遵

君居  
虞山

之竹湖南墅己已秋余寓君齋共訪吾谷楓林以詩酬倡謝公絲竹多悲感柳絮風飄

黯愴神生香閨媛君之愛女也詩詞妙絕適武林何氏旋以病夭君在滇中聞信傷悼因之得疾



黃香鐵劍有獲鹿之行匆匆未及贈詩別後作此  
以寄

愁聽驪駒送別歌  
留行無計恨如何  
依人王粲雄心少  
避俗虞鹹傲骨多  
雪點燕山澄霽月  
風寒易水咽春波  
青鐙展取君詩讀  
夜夜精芒出太阿

聞雁和厚夫侍御韻

寒沙曾印跡  
春渚又呼羣  
余亦江南客  
偏從剡北聞  
五更醒遠夢  
隻影逐歸雲  
辛苦關山月  
年年來往紛

二月十四日大風

花朝纔二日  
忽作妬花風  
遠岫失空碧  
鶯禽啼亂紅  
酒醒殘照裏  
春老軟塵中  
閉戶成余嬾  
朋箋隔未通

徵璵書至勸余來春勿復赴試  
早息影於苜蓿盤  
中且云科名得失無足介意  
惟名山著述其樂爲  
無涯耳璵兒年少不應作此類  
散語然見地頗高  
且其爲我計者甚善因作此以答之

隔歲不見汝  
見書慰老懷  
清輝千里共  
遠夢一鐙偕  
靜裏道心定  
澹中詩味佳  
不須怨搖落  
香艸葆根芽

門祚嗟如此  
清芬恐墜今  
衰遲困衣食  
羈旅促光陰  
浪走成吾老  
飛騰望汝深  
莫嘲譽兒癖  
爲切劘弓心

觀長椿寺所藏明烈皇生母孝純劉太后圖像  
寺內

舊藏明神宗母李太后九蓮菩薩及莊烈帝母劉太后圖像  
今所見戴毘盧帽衣紅錦袿裳者乃劉太后像也  
寺僧

誤指爲李太后

花影瑤臺第幾重  
珠林春閨孝純容  
生綃吹落瓊鈎響  
夜雨蒼苔夢濯龍

環珮春風出世姿  
午門法駕跪迎時  
絕憐信邸乘龍日  
哀慕長銜寸艸思

玉階寒月澹斜暉  
莫辨丹青是與非  
瀛國太妃蒙詔問  
捧香含淚認依稀

跨鳳前身證佛因  
當年畫苑紀庚辰  
官娥頭白談遺事  
零落秋槐淚滿巾

楊椒山先生祠

前朝忠愍宅  
片石諫書留  
花艸自春色  
風雲生暮愁  
三年冤獄具  
九死國恩酬  
抗疏非活直  
平生廟社憂

蘊懷閣詩集卷第十一

六

題徐桓生述虔居庸覽秋圖

塞艸飛沙白  
關榆落葉黃  
角聲五更壯  
秋色萬山荒  
匹馬遠行客  
危亭古道旁  
愁看南去雁  
恨不凍蹄方

雜詩

崔崔薊門山上與青冥  
連物表覽神秀願言升  
其巔飛廉導旌旆  
中道傷遷延  
縲馬倚閭闔  
曖曖翳夕煙  
豈不羨扶搖會合  
固有緣  
浮雲幻朝暮  
變態殊萬千

春風東方來  
枯樹吹作花  
胡不改霜鬢  
鬢雲媚容華  
高臺集衆賓  
廣座杯流霞  
樂酒在今夕  
吾生固有涯  
夕陽墓門樹  
松楸噪歸鴉  
當年貴游子  
羽騎馳駟駞

名都盛歌舞  
繁會紛五音  
妙采炫羅繡  
雜佩鏘瑤琳  
宛虹



曳長綫白馬銜黃金騰山與赴壑躡景馳駸駸芳原一縱  
目雜英茂春林信美非故鄉愁懷故難任蕭蕭代朔馬啾  
啾越南禽代馬逐我影越禽憐我心

愁思苦煎迫心旌日搖搖吉凶問詹尹筮得睽孤爻我生  
多疾疾廿載顛沛遭門祚嘆衰薄骨月異地遙爲巢慎陰  
雨戴山憐僬僥已矣勿復道淒然淚清宵

驅車上修坂我馬行不前元黃病難起骨幹弱可憐嗚咽  
聞哀嘶何忍重加鞭長楸翳落日驚沙吹滿天風髮與霧  
鬣顏色慘不鮮驂駒因伏軛失意在少年期汝遇良樂養  
此毛質全

季子歸洛陽翁子守會稽多金跪倨嫂驟貴羞故妻世態  
固如此抑鬱安所疑男兒重志節遲戀組與圭拔劍中夜  
起喔喔聞寒雞

堂前生芝蘭堂上雜荆杞深恐蔓艸滋芳華損其美毫毛  
不早拔致勞斧與鋤衆芳易蕪穢惜此桃與李愁絲逐飄  
風繚亂不能理

讀史覽興廢邈焉憬前修胸中不平事鬱此萬古愁忠孝  
遭罪放信義召謗尤蒼蠅混黑白獨行宵小讎盛采忌炫  
飾潛璞歸貞幽籠禽毛羽摧霜雪哀啁啾羨彼雙黃鵠高  
飛凌九州

春遊駕駟驪顏飾誇美好眼見新少年心念舊耆老天天  
園中桃萋萋原上艸旣嗟春風遲又感秋霜早西山古松

栢貞心不枯槁

屈靳異忠佞同朝事君王蘇李合情惘乃在天一方仰首望河漢蟾蜍蝕晶光昔同衾與幃今如參與商人生百年壽半爲憂患傷何時太行山崎嶇化康莊

衆口亂訾讐燦金累清修能忍終有濟勝剛莫如柔南山殷其雷晴曦變昏幽鳳凰失所托下與鶉鷄遊德輝覽而下置網不誤投

馮唐仕郎署白首嗟沉埋揚雄識奇字投閣晚節垂高名遺物妬才望基禍胎正聲叩宮角瓦釜難爲諧江河揚其波洪流渺無涯秋風吹絺綌淒其傷我懷

次韻答徐孝廉

元潤

蘊懷閣詩集卷第十

八

細雨孤燈起嘆嗟一編脈望舊生涯補天欲煉靈媧石貫月難逢海客槎秋水閒情沙際鳥春山倦眼霧中花五陵衣馬金門客拜袞人呼鄧仲華

玉臺秀句絕塵寰孝穆風流庾鮑間滄海源頭皆活水匡廬面目是真山才鋒儘許千軍掃進境還嚴一字刪樗散心情憐退鷁藉君靈藥砭慵頑

越水吳山雁跡分天涯別路夢休文三年浪走違鄉國千里神交戀故羣許我歲寒盟皓首昂君才望屬青雲異時車笠如相憶周北張南話梓枌

漫梳蓬鬢學曹婆青鏡年華喚奈何空有客陪捫蝨話更無人問飯牛歌萋迷柳巷春光少蒼莽榆關朔氣多醉檢



篋中殘畫藁綠波江上釣魚蓑

終風三章

終風狂且暴卷我屋上茅牽蘿不及補綢繆空爾勞不念  
鬻子閔爲鳴復爲鴟天寒日色薄黯慘長林梢勗茲鳳雛  
翼雲中任飛翺

終風陰其霾損我田間麥折穗萎深黃抽萌失新碧已孤  
望歲懷枉見雪三白撼地轟成雷汗田曠無澤近淚灑乾  
土顛天訟風伯

終風太無情摧我園中花傷彼艷冶姿飄蕩落誰家非無  
向榮意爲爾彫容華不思扇陽和千里揚塵沙殘英剝晚  
馥惡爲護紅紗

蘊懷閣詩集卷第十

九

香鐵自獲鹿寓書兼示移榻東軒之作疊韻三首

答寄

卜鄰居數月短榻話長椿之子不相見落花何處春酒腸  
三斗熟生計一瓊貧誰與慰離索天涯氣味真

芊緜江店柳蒼靄楚南椿覽秀洗塵目新詩含靜春名山  
遠游富旅食著書貧喜得君消息郵緘字字真

近闢東軒好扶疎蔭老榕屏開千似秀綠借半山春吾道  
關時會斯人豈賤貧鹿泉寓公地未許久棲真

鍾仰山學士昌齋中小集兼柬周小石曰堅陸範

庵模

二子浹旬別相逢各黯然客途新著作鄉夢舊山川談笑

空千古團欒共一瓊庭前花木好應識主人賢

風霾篇

一春苦久旱九埜飛黃塵孟夏月初八降膏駮見聞清辰  
日無光亭午炎如焚薄暮天色赤千里蒸火雲黑風東方  
來咫尺不見人倏疑入幽都長夜無昏晨蟄龍不銜燭暗  
壁搖鬼燐忽聞山之陽雷車震殷轆慘澹天王旗虎豹叫  
九閭長林掃霾霧微茫辨殘曛陡若天開子重見人生寅  
粵稽五行傳咎徵非無因

詔書求直言曰咨女羣臣二十有三年朕爲天下君其各  
體朕意敬天而勤民南臺應

明詔諫艸拜

蘊懷閣詩集卷第十

十

紫宸曰臣昧死上忌諱不復存我

皇理萬幾宵旰深憂勤民欲天必從民富君不貧政體挈  
綱領治絲乃不勞細故勿苛察小廉何足云宮庭侍密勿  
問誰掌絲綸衣鉢受和老布被嗤平津模稜習巧宦疲玩  
甘因循何以答

恩寵媿此佩與紳煌煌諫官疏劄切動

至尊

聖心遇災懼精誠感蒼昊乾惕厲无咎震躬于其鄰下蘇  
小民困上答皇天仁浹旬甘雨來燥土輒可耘二麥雖不  
球黍苗漸懷新乃知天人際感召疾若神郊原一覽眺生  
意來欣欣虛臆容夢破簷溜滴夜分晨擁山萬綠快酌酒



千巡紆此杞人憂樂此閒中身

館中有紫藤一架因旱半枯前日得雨藤花復開  
詩以賞之并邀主人屬和

百日望雨雨不來老藤枯死無新髮焦皮剝蘚苔蝨局生  
意婆娑安在哉輕寒野陰翳庭樾太息羣芳此消歇誰知  
薄潤灑林梢已入花心浸花骨初見槎枒發嫩枝漸看紫  
絡已垂垂東風護花有深意看花不怨花開遲主人近日  
詩頗少憂旱心情怒如擣今晨一笑醉藤花我亦因之接  
離倒

端午日陸子鐵

元文

以詩約續去歲江亭之遊尋

以憚暑不果次韻賦答兼示諸同人

蘊懷閣詩集卷第十

十一

平生不作祭神澆酒船頭買入蜀經蠻不言苦又不能折  
腰低眉事貴倖沾丐壺漿漬泥土山中麝蕪與蘅杜落落  
疎星各三五霜豪秋兔不盈寸手接飛猱射猛虎挑鎧重  
讀去年詩懷抱蒼茫孰傾吐青山三百六十日夢與孤雲  
共軒舞忽而塵事苦刺促負此騷壇風月主火雲壓山飛  
鳥絕坐使清氣隔臟腑招涼難買徑寸珠調語紛陳五雜  
俎空有青驄倦騶駟竟無綠蟻浮鸚鵡江亭無乃少顏色  
何處更覓神仙侶諸君聚散如搏沙我已風塵老終窶鏡  
中白髮休自笑却喜飄蕭貌漸古年來頗肖宗少文溪山  
卧遊續舊譜白雲自愛野鶴性無奈樊籠困冲舉陸機文  
賦亦何用與子長安作窮旅我雖未續前歲遊子已新詩

萬人許要使鴻爪印泥痕不爲鷗風感鍛羽

雜歌

有酒復有酒何能洗此胸中愁壁間古劍知我意天陰日  
暮風颯颯男兒識字憂患始青天無情人白頭太行崎嶇  
虎踞關惡灘惶恐魚吞舟翻雲覆雨變昏旦誰披肝膽懸  
清秋仲連九原如可作我欲從之東海阪

北風吹落日投林之鳥啼黃昏東風動春冰出水之魚浮  
綠蘋物情欣戚異所遇造化賦畀無平均亮非達士慕齊  
物誰與返樸歸其真百年光陰若逆旅忽而隆冬忽炎暑  
欲問仙人王子喬不識名山在何許

嚴霜不能改松栢淒風可以摧芝蘭瀟湘美人怨遲暮芳  
情惜此榮華殘蘅皋落葉暮山紫憔悴秋容有如此欲折  
蘼蕪寄所思隔斷天涯一方水

庭前有好鳥百轉工春聲林間有名花澹冶香氣清可憐  
東風三月暮夜雨淒其愁五更一鳥失侶百鳥皆哀鳴一  
花搖落百花損其榮明知芳春代謝若逝水中心惻愴何  
能效彼太上之忘情

一杯之水瀉地不復收一寸之影燭盡不復留王侯將相  
竟安在纍纍冢墓蕪荒邱嗟哉勞生縛塵鞅形骸雖具骨  
先朽生年未半百白髮亂垂首百憂攪其心萬事掣其肘  
嘗聞五色煉石天可補世上元無女媧手

金臺久荒蕪郭隗不可作路逢相馬者自稱良與樂驂驪



騷裏一日可以走千里胡乃十步五步氣已弱識途老馬  
空爾爲戀此場苗與場藿飾以白玉轡控以青絲絡一朝  
放棄山之陽野犢村犁卧溝壑古來盛名易被造物妬何  
况虛名那可攫

談笑動人主博取卿相尊縱橫師鬼谷彼哉儀與秦蘭生  
真奇人三寸之舌可以摧強鄰毛生雖自薦公等碌碌因  
人成事非其倫侯門食客三千士爭繡平原貴公子黃金  
萬鎰壁百雙姓氏寥寥著青史

韓非抱孤憤虞卿老窮愁古來著書人易遭謗與尤獨行  
傲儕俗貞白矢潔修窮年守陳編兀兀不少休遑知身後  
名能作斯須留君不見倉頡作字鬼夜哭從此文人少庸

福

蘊懷閣詩集卷第十

七

玉京十二樓綵帳芙蓉鮮中有白兔所搗之上藥青童所  
奉之琳編塵心細若髮一縷夢魂不到蓬山顛蓬山之高  
高接天日色欲暮林生煙欲遠舉而無翼時延佇而廻旋  
雄鳩鳴逝太佻巧不敢從之入青杏

讀後漢書作

世祖建武初久旱損麥麩詔令中都官三輔出繫囚和帝  
永元中秋稼槁不收雜陽理冤獄甘澍膏田疇京房紀災  
省賢聖滋殷憂恒風厥咎霽弭變勤懋修郡國察利病鰥  
寡咨鞠謀漢治尙近古君臣省譽尤廟謨協羣策靈臺迓

天庥

光武紹炎祚孝明恢皇綱永平之九年蠶麥書豐穰報功  
肇殷禮始議巡南陽北至祠舊宅章陵潔烝嘗六飛幸南  
頓三老拜道旁校官肄雅樂笙鏞發鏗鏘本無醉飽心而  
猶戒禽荒皇老昔有訓父老誌不忘十年復田租天位憂  
靡常奕世廣孝思沛澤洪無疆

天象示譴譴九重降明旨百寮上封事四聰聽甚邇吏黠  
不能禁人寃不能理惟其矧于心違復逆于耳直哉鍾離  
意免冠諫天子有詔勅大匠北宮役遂止危哉宋叔庠執  
義不畏死駁議剪羣疑風烈重青史同朝諸尚書叩頭伏  
不起庸臣好將順自古盡如此

對雨小飲聯句

蘊懷閣詩集卷第十

十四

新涼蘇病骨驟雨作秋聲

大

不作世間想并忘身後名

汪彥

博

一尊誰主客萬物幾衰榮

大

悟得彭殤等愁髭自不生

博彥

送厚夫侍御出守青州

一載慰離索又聽征馬嘶諫官賢太守雄郡古青齊防海

霜蠶肅看山蠟屐攜循良二千石富范政聲躋

宋富鄭公  
范文正公

俱守  
是上

祖帳都門設賓僚送遠行一麾圖報國五馬重專城舊

俗憐凋瘵新猷仰勵精待聞考最語足慰故人情

嶺南梁孝廉貝奉祖諱南歸詩以誌別

一去燕臺畔麻衣瘴海邊親朋齊涕淚風雪滿山川引我



別離恨愈深文字緣謝公述祖德珍重讀遺編

黃霽青太史

安瀾

招飲西城寓齋以使黔集索題

漫成六絕句

好山不厭百回尋可識先生相士心  
澗艸溪花遍搜採秋林過雨屐痕深

涪翁山水擅清才况是星轡奉使來  
誰道黔中名勝少飛

雲洞名靈境隔塵埃

辰龍關色鬱青蒼百丈晴絲石路旁  
不知馬首向何處石路細裊晴空絲先生

題辰龍關句也齊唱使君新樂府  
獠童苗女踏歌忙

玉屏行館冷斜陽繫馬亭皋路正長  
欲續離騷賦山鬼王

將軍墓艸花香先生有玉屏弔王壯節詩

蘊憐閣詩集卷第十

十五

試院更闌蠟炬明茱萸九日酒頻傾  
不知何處鄉心切玉

尺樓頭夜雨聲先生有玉尺樓坐雨憶弟之作

盤殮鄉味剪葵菘邂逅金臺笑語濃  
君是昌黎我東野未

妨狂態逐雲龍

禹齋晚菊呈大庾相國戴可亭先生

別業城南路蕭疎煙水澗書齋宵漏永  
花氣曉霜深疊石

青排闥流霞翠滿襟晚香寒不散  
珍重魏公心

題馴鹿莊圖寄退菴黃丈凱鈞

小築溪莊屋數楹丈人農隱足平生  
客停落日渡頭權詩

入碧天雨後城索酒鄰翁餘野趣  
啄花巢燕共閒情高陽

宅里清芬遠誓墓非誇著述名

老樹柴門結蔭濃  
綠蘿深處白雲封  
更無人話世俗事  
儘有酒澆塊磊胸  
爲愛展書多賞析  
莫嫌投刺太疎慵  
山中歲月芒屨健  
笑倚仙人九節筇

對雪柬劉芙初太史

嗣緒

自識劉公幹論交我  
悔遲江東文士傳  
鄴下建安詩日短  
歲云暮官貧懶不知  
蒼松西嶺雪心與  
古人期

柬盛子履孝廉卽題其近藁

陽湖

劉嗣緒

孝章自昔得清名  
歌詠朝朝見性情  
比興多時詩境遠  
可知懷抱自天成

蒼寒跌宕見遺山  
近體從容大厯間  
忽憶家書真切語  
盤中苜蓿勸君還

蘊懷閣詩集卷第十

上六

蘊懷閣詩集卷第十



